



中國藝術文獻叢刊

書經圖說 下

〔清〕孫家鼐等

浙江出版聯合集團
浙江人民美術出版社



中國藝術文獻叢刊

書經圖說 下

〔清〕孫家鼐等 主編
錢偉彊 顧大朋 點校

浙江出版聯合集團
浙江人民美術出版社

圖書在版編目(CIP)數據

書經圖說 / (清) 孫家鼐等主編 ; 錢偉彊, 顧大朋
點校. — 杭州 : 浙江人民美術出版社, 2013.12
(中國藝術文獻叢刊)
ISBN 978-7-5340-3517-3

I. ①書… II. ①孫… ②錢… ③顧… III. ①
中國歷史—商周時代②《尚書》—通俗讀物 IV.
①K221.04-49

中國版本圖書館CIP數據核字(2013)第140974號

中國藝術文獻叢刊

書經圖說 (全二冊)

〔清〕孫家鼐等 主編
錢偉彊 顧大朋 點校

責任編輯 屈篤仕
裝幀設計 江健文
責任印製 陳柏榮

出版發行 浙江人民美術出版社
(杭州市體育場路347號)

網 址 <http://mss.zjcb.com>
經 銷 全國各地新華書店
製 版 浙江時代出版服務有限公司
印 刷 浙江海虹彩色印務有限公司
版 次 2013年12月第1版·第1次印刷
開 本 787×1092 1/16
印 張 69
字 數 580千
書 號 ISBN 978-7-5340-3517-3
定 價 398.00圓 (全二冊)

ISBN 978-7-5340-3517-3



如發現印刷裝訂質量問題, 影響閱讀,
請與出版社發行部聯繫調換。

書經圖說卷二十


微子

微，國名，紂庶兄啟所封地，在今山西潞安府潞城縣東北十五里。微子見紂之失政，知殷祚將亡，乃與箕子、比干，謀所以救亂之策，史臣錄其問答之詞，即以「微子」名篇。

父師少師圖



沈酗敗德圖




微子若曰：「父師、少師，殷其弗或亂正四方，我祖底遂陳于上。我用沈酗于酒，用亂敗厥德于下。」父師，箕子。少師，比干也。其，或者，不能或如此也。亂正之亂，解作治。我祖，謂成湯。底，致也。遂，成功也。陳，列也。

此二幅圖是寫微子上述烈祖之成功，下痛殷辛之失德也。史臣記微子憂國念亂，就謀于箕子、比干，若曰：「父師、少師，我殷之失道，自祖甲以來，已數世矣。昔嘗望後世子孫治亂正國，以綏四方，而今已矣，無或能整躬率物，以光大我有商之盛業矣。夫後王之所臨馭，皆先世之所艱難締造者也。由今日殷道之衰，以追溯昔日商家之盛，我烈祖懋昭大德，底致成功，其勳烈炳焉昭著于上。我而修德勤民，憲天法祖，猶懼不足以繼承之。奈何沈湎酗酒，用亂敗其德于下乎！」是時紂方甘酒嗜音，嬖于婦人，造傾宮，作瓊室、瑤臺，飾以美玉，車行酒，馬行炙，爲長夜之飲。微子遠念前烈，重慨時危，不忍顯斥其君之惡，而視同己過，可謂忠厚之至也已。

草竊姦究圖





「殷罔不大小，好草竊姦宄，卿士師師非度。凡有辜罪，乃罔恒獲。小民方興，相爲敵讎。今殷其淪喪，若涉大水，其無津涯。殷遂喪，越至于今。」草竊，草寇也。非度，非法之事也。津涯，水邊隄岸也。越，及也。

此二幅圖是寫微子慨法度之蕩盡也。微子又曰：「我不能治正天下，而沈酗以亂敗其德。此時天下之民，無小無大，皆不安于正業。好苟且偷竊，以肆行姦惡，甚或流爲寇盜。上而卿士百僚，亦皆互相則倣，以自恣于法度之外。夫作姦犯科之人，必獲其罪，此乃情理之常。今者上下容隱，凡有罪戾，概不窮究。故無知之小民，益得逞其私欲，無所畏懼，而爭鬪侵凌之風，於是興起，祖宗法度蕩然矣。我不意國事敗壞，竟至於此，此而欲免於喪亡，其可得乎？夫涉大水者，無舟楫之利，則必終於覆沒。今我殷淪喪之形，茫無畔岸，何以異是？追念祖宗以全盛之基業，貽之子孫，至于今日，淪喪而不可復振，可痛甚矣！」

家老遊荒圖



曰：「父師、少師，我其發出狂，吾家毫，遜于荒。今爾無指告予顛隕，若之何其？」我，指紂言。毫，老成之人。顛隕，覆墜也。何其，語辭。


此一幅圖是寫微子傷老成之去國也。微子又呼箕子、比干而告之，曰：「父師、少師，今我殷朝政紊亂，是非顛倒，以誣者爲真，以忠者爲佞。暴虐無道，厥類病狂。凡我家老成之人，向之職位尊顯，倚畀隆重者，今皆不安于位，一一避匿于荒野，而不復與聞國政。盈廷之上，大都阿諛譏諂之流，可與共緩急、同安危者誰乎？人之云亡，邦國殄瘁，時勢之危迫如此，爾何不明示意，指告我以顛隕墜之事，而圖所以補救之術乎？我此時中無所主，正不知何策之善，若之何其國之無救于覆亡也？」微子憂國危亂，徬徨躊躇，而不知其所爲計。其言哀以怨，其情迫以切，千載下讀之，猶使人傷感悲憤，不能已已也。



父師若曰：「王子！天毒降災，荒殷邦，方興沈酗于酒。乃罔畏畏，拂其耆長、舊有位人。」毒、篤，字通，厚也。荒，亡也。興，盛也。下畏字，讀如威。拂，違也。耆，老人面如凍梨。

此一幅圖是寫箕子答微子「酗酒」及「耄遜」之詞也。微子爲帝乙長子，因呼爲「王子」，而答之曰：「上天厚降災害，以荒亡我殷國。故令王不悔禍，方盛加沈酗於酒而莫悛。乃王既不知畏天威，又拒諫飾非，以拂違耆老長德，及凡舊有位而致仕之人。然則耄遜於荒，實王不德所致也。」此時箕子之言，蓋爲拒祖伊、摯商容而發。

攘竊犧牲圖





多瘠罔詔圖

